

四庫全書

經部

欽定四庫全書

周禮訂義卷五

宋 王與之 撰

宰夫之職掌治朝之灋以正王及三公六卿大夫羣吏之位掌其禁令

鄭康成曰治朝在路門之外○黃氏曰掌治朝之法者冢宰掌邦治故王眡治朝則冢宰贊聽治而宰夫掌其法以正王及諸臣之位法謂其事當聽於治朝者若今三省取旨軍司引見公事禮部奏進士名三

衙進呈軍器之屬是則皆有其法矣王位若今御坐
與臨軒也公卿大夫之位其進退升降各有據鄭言
其位司士掌焉宰夫察不如儀者非也司士朝儀之
位蓋常朝也宰夫治朝之位王聽治當時王者位于
此也羣吏府史府主藏史主書將有所治故亦有位
○王昭禹曰治以致其事皆謂之吏此先三公六卿
大夫而後言羣吏則非大夫以上矣蓋自士而下言
之

王氏詳說曰司士掌治朝之位言公卿大夫必及其

孤但治朝以孤為東面外朝以孤為西面耳今宰夫
掌治朝之法言公卿大夫而不及孤者卿即孤也典
命言其卿六命則孤亦六命矣况三孤與六卿合而
為九言卿而不及孤官不必備也若乃羣吏之位則
司士謂在路門之左右者也在公卿大夫之後則謂
之羣士在公侯伯子男之後則謂之羣吏對文則異
散文則否

陸氏曰治朝之位孤卿東面外朝之位左孤卿右公

侯伯子男射人孤東面卿大夫西面皆尚右內外之禮異也

總論三朝

孫氏曰案司士朝儀之位王族故士虎士在路門之左南面東上大僕大右大僕從者在路門之右南面西上則知皇居之重宿衛之衆皆屬司馬而治之以軍政惟大宰之贊聽治所謂一相在內無所不統者也使其令不行於朝廷則相權輕而朝綱紊故不盡

委諸司馬必使宰夫掌治朝之法而申以禁令之嚴
叙羣吏之治而待其命令復逆之至然後提綱振領
皆歸一相奔走禦侮各效臣節若夫燕朝則師氏司
之外朝則司寇聽之大宰皆不得而參何哉蓋燕朝
者居宮中之隱非體貌大臣之地燕安鳩毒乃游逸
淫樂之所從生左右非人則讒諂面諛所必至於是
臨之以師保正之以僕臣友之以史氏詔儆諫惡有
箴規之益左右先後無便辟之私見聞日廣志意日

修則大宰雖不身親乎其列而以人事君莫大於此
外朝者其地廣遠諸侯諸吏之所赴州長百姓得而
入皆隸於司寇先王之時官各有守而不容以相奪
地官掌教則六卿皆受法于司徒宗伯掌禮則朝覲
會同為上相夏官掌政則軍旅之戒令雖地官之屬
亦惟司馬之聽焉司寇之職得專行於外朝又何嫌
哉

叙羣吏之治以待賓客之令諸臣之復萬民之逆

王昭禹曰次叙羣吏凡有預於賓客之令臣民復逆
之事者皆是○揚氏曰禮之於賓客各有司存宰夫
以牢禮之法掌其牢禮委積膳獻飲食賓賜之殮牽
則所與從事者非一職也不叙羣吏之治以待其令
則所以奉賓客者或失其叙矣○愚案郊勞賦館令
之司儀聚櫟之事令之野廬委積之事令之委人○
王氏詳說曰令戒也令之使疾於趨事者宰夫也
李景齊曰上有所令而下有所言則謂之復上無所
令而下有所言則謂之逆○黃氏曰臣民言事為令

為復為逆其當否其可行其不可行而必關於羣吏

之治故叙而待之

○王昭禹曰諸臣非無逆也以出納者臣之事故言其復而已萬民

非無復也以民之賤不必問焉而以言故言其逆而已然則大僕掌諸侯之復逆小臣掌三公及孤卿之復逆御僕掌羣吏之逆及庶民之復所掌不同者蓋大僕小臣御僕皆王之左右前後所以侍御使令之臣而出入王命者以職之尊卑而分掌宰夫掌治朝之法以事叙羣吏之治使待臣民之復逆則大僕小臣御僕皆宰夫叙之也

陳及之曰叙羣吏之治至萬民之逆即漢尚書職事

今章奏告捷是大僕傳令於宰夫宰夫日夕與天

子親近執奏

掌百官府之徵令辨其八職

鄭鍔曰自上召下謂之徵自上使下謂之令百官之府皆有徵召然非其職之所統治則雖有所徵而不至雖有所令而不從宰夫掌徵令而辨其八職使各有所統治然後上可以號下而下不敢以違○黃氏曰周禮徵令有二王與冢宰有所徵召之令宰夫百官府之徵令是也征斂稅賦之令司書逆羣吏之徵

令是也王召百官府將有所訪問宰夫掌之必辨其
八職其凡要在正與師其數目在司與旅其財賄文
書在府與史其節次督趣在胥與徒必辨其職則徵
召無差忒

愚按大宰八法以出治之敘言之故官常為先繼
之以官成官法宰夫八職以小大之敘言之故官
法為大繼之以官成官常

一曰正掌官灋以治要

王氏曰以其屬之所取正故謂之正

○王昭禹曰正則六官之長所

謂建其正也

○王昭禹曰法八法以其用之以治官府故

謂之官法○鄭康成曰治要若歲計也

○王氏曰積凡以為要

則月計要則師之所掌而正治之若夫會則正之所掌而王治之矣

二曰師掌官成以治凡

王氏曰師其官屬所受教者

○王昭禹曰若小宰之於大宰小司徒之於大

司徒所謂立其貳

王昭禹曰官成則八成也○鄭康成曰治凡若月計

也○王氏曰積日以為凡凡旬計也宰夫所謂旬終則正日成是也官成則師之所掌以經邦治凡則

司之所掌而師治之

三曰司掌官灋以治目

王氏曰司各自司其職事者

○王昭禹曰若天官之宰夫地官之鄉師之類

所謂設其政者也

王昭禹曰官法即八法所謂官法以正邦治者也

○劉

執中曰司亦曰官法其司之法也

○鄭康成曰治目若今日計也

王○

氏曰積數以為目目則日計日計則旅之所掌而司治之○史氏曰目者凡之細治之枚分條析皆有其

名不至於茫
然無所攷也

四曰旅掌官常以治數

王氏曰衆有從謂之旅

○王昭禹曰六官之士是也
六官獨於下士言旅此則合

上士中士而言之
所謂陳其殷者也

○王昭禹曰常則八法所陳官常

也○鄭康成曰治數每事多少異也

○王氏曰數則
一二三四是也

官常所以聽官治而旅掌之一二三四之數則府史
之所掌而旅治之○史氏曰數者目之細治之銖按
寸積皆有其數不
至於汎然無紀也

總論以上四者

黃氏曰正師皆是長官也正以糾正為義師以教師為義司以司察為義旅衆也以分職為義正師之治簡司旅之治詳凡詳於要數密於目鄭氏以大宰為正小宰宰夫為師上士中士為司下士為旅非也下士為旅蓋見六卿之屬有旅下士故據之六卿之屬旅下士亦以分職為義也此言百官府之八職凡官府不必備此八者以其所以稱正稱師與其他所以名官皆可以類通矣官法官成官常即冢宰所治之

八法

五曰府掌官契以治藏

才浪反

王昭禹曰府主蓄藏必有要書以為驗故掌官契契要書也其用以合驗為主故謂之契藏則凡所蓄聚

之物

○史氏曰府者主藏之吏也夫苟欲為治則版圖契券可以得其山川之險易戶口之多寡也

不爾則將無所稽雖欲治要治凡治自治數有不可得此府所以治藏也

六曰史掌官書以贊治

王昭禹曰六官之事衆矣載而述之必有書史掌官

書則於事無所不贊焉故曰贊治蓋正則治要師則治凡司則治目旅則治數府則治藏史則無所用治掌官書以贊之而已蓋史也者能文而不能實可以

贊治

○黃氏曰史案續可攷於治為贊助

七曰胥掌官敘以治敘

賈氏曰胥有才智為什長當次序官中須人驅役之

處則科次其徒故云次序官中也

○鄭康成曰如今侍曹五伯傳吏朝

也○王昭禹曰敘先後之倫胥雖賤而在下足次其徒而長之故掌官中事治先後之序也

八曰徒掌官令以徵令

王昭禹曰徒給役之賤者能往徵令者也○鄭康成

曰徵令趨走給招呼

○鄭鑄曰說者謂徒屬百官府者為有徵令耶蓋百官府之徵令則奉

在上之命其行徵令者百官也故宰夫掌之徒所徵令則處乎百官之下縣都奔走之人非傳命令者孰從而徵令之乎

總論八職

史氏曰傳曰勞心者治人勞力者治於人自要而總其凡自凡而總其目自目而總其數皆治人者也至

於府史胥徒治於人者長貳參佐之執役者也

掌治灋以攷百官府羣都縣鄙之治

賈氏曰宰夫是鈎考之官故以治法考百官府羣都

縣鄙之內治功善惡也○鄭鍔曰六官皆有攷各得

以攷其屬天官之攷非攷其屬而已又以攷百官府

羣都縣鄙之治與夫五官之攷其一官之屬異矣○鄭

康成曰羣都諸采邑也六遂五百家為鄙五鄙為縣

言縣鄙而六鄉州黨亦存焉○黃氏曰鄭說非也鄉

遂皆官府也縣都之地不為都者皆為都鄙如遂之

制遂人可考天子使吏治之故稱之曰羣都縣鄙以

同於遂也○王氏曰所謂縣者縣師所掌間田之縣也

王昭禹曰大宰出法以治之小宰守法以逆之宰夫循法以攷之

乘其財用之出入

賈氏曰謂上數處用官物者當乘計其用財之出入

知其多少

○黃氏曰大府曰凡官府都鄙之吏及執事者受財用焉故宰夫考其治而乘其出

入○鄭康成曰乘猶計也

○賈氏曰計者算法乘除之名出於此也

○王

氏曰不言會而言乘者以一二三四計之則謂之乘

總會其數則謂之會欲知其總數則宜言會欲知其別數則宜言乘今此欲知其失財用物辟名足用長財故言乘其出入也○鄭鍔曰利之所在姦偽必萌人能於財利之際不萌貪欲之心者廉吏也故攷吏治而以乘財用為急

凡失財用物辟名者以官刑詔冢宰而誅之其足用長財善物者賞之

王氏曰失其所藏之貨賄謂之失財

○史氏曰
侵欺也

非所

用而用之謂之失用所失之物非貨賄也而謂之失

物

○鄭康成曰物畜獸也
○史氏曰失物盜也

鄭康成曰辟名詐為書以空作見文書與實不相應
官刑在司寇五刑第四者○黃氏曰失財用物有過
誤有乖違其罪皆可議惟辟名則必行其誅○賈氏
曰有用而能足財又能長物又能善如此者賞之○
李景齊曰財之虧者有誅財之裕者有賞是上之人
汲汲於此課天下之吏則吏急於規君之賞者毋乃

於法外以剝民如後世所謂充羨餘之貢者乎不然
周之賦民自有定制彼安得以恣法外之斂宰夫所
職之意亦以示羣吏之不敢妄費者矣

孫氏曰周家本治以會財因財而知治故宰夫治官
之攷必掌治法以攷百官府羣都縣鄙之治而後乘
其財用之出入使治法無所攷則財用亦不可得而
乘之矣司會本為邦計設未常汲汲於財所掌者六
典八法八則以逆邦國都鄙官府之治為先其參互

要會亦以周知四國之治而已先王又非以財為不足計也自昔治之與財常若一體不可強分故攷治即所以會財也

劉執中曰司會掌以參互攷日成以月要攷月成以歲會攷歲成以周知四國之治以詔王及冢宰廢置宰夫掌治法以攷百官府羣都縣鄙之治而後乘其財用之出入以至誅之賞之則內外之財用賞罰總於冢宰然則司會之失財用物辟名者宰夫得以攷之

而詔於冢宰矣

以式灋掌祭祀之戒具與其薦羞從大宰而砥滌濯

賈氏曰祭祀大小皆有舊法式依而戒敕使共具之
○林氏曰式有多少之數法有制度之節○孫氏曰
式者出於大宰之九式所以制其用財之度也式既
定則治事各有法此所以相依而行先王之時百治
並舉而財用不遺者以有是式法而已大宰出式法
者也小宰宰夫執持是式灋者也又有司會總其大

計而為之主張維綱焉及其頒財致用也大府既授
以式法復從職歲受之由是散在有司無不奉式法
以從事至會計之際各以式法贊之職幣又以式法
斂其餘焉在易之節曰節以制度不傷財不害民其
斯之謂歟

○王氏詳說曰太宰於祭祀言戒具而未嘗言法不掌法矣宰夫式法兼掌此所以

見治小而詳也

鄭康成曰薦脯醢也羞庶羞內羞也

○賈氏曰儀禮鄉飲酒鄉射燕

凡單言薦者皆脯醢也庶羞謂天子八豆諸侯六豆之類內羞謂祭祀食後所加言內者少牢所謂房內

之羞糗餌粉養是也

○王昭禹曰小宰以法掌戒具以贊大宰

宰夫又以贊小宰也

凡禮事贊小宰比

毗志反

官府之具

鄭康成曰比校次之

○王氏曰小宰以法掌祭祀朝覲會同賓客之戒具軍旅田役

喪荒亦如之七事者令百官府共其財用所謂官府之具者此也祭祀則吉禮之事朝覲會同賓客則賓禮之事軍旅田役則軍禮之事喪荒則凶禮之事

○王昭禹曰禮事不一則

比敘之者亦非一官府小宰以禮校比其具宰夫又

從而贊之

凡朝覲會同賓客以牢禮之灋掌其牢禮委于偽積予

反膳獻飲

於鴉反

食

音嗣

賓賜之殮

音豫

牽與其陳數

鄭康成曰牢禮之法多少之差及其時也三牲牛羊

豕具為一牢

王氏詳說曰牢禮之法者蓋委積膳獻飲食賓賜之殮牽無非牢禮按聘禮云賓至大夫帥至於館宰夫朝服設殮是賓始至則有殮禮殮小禮又曰聘致饗是賓已至則有饗禮饗大禮先鄭以殮為夕食非也

賈氏以饗餼為牢禮亦非也夫賓至設飧何待夕乎
凡禮皆有牢何必饗乎委積膳獻飲食賓賜之飧牽
掌客行人所掌可攷而知上公五積侯伯四積子男
三積地官遺人所謂十里有廬廬有飲食三十里有
宿宿有委五十里有市市有候館候館有積是委積
往來道路間所給用也膳則掌客所謂上公殷膳大
牢以及歸侯伯殷膳則無及歸子男又無殷膳矣此
之謂膳獻則掌客所謂上公乘禽日九十隻侯伯七

十子男五十唯上介皆有禽獻飲則行人所謂饗禮
九獻侯伯七獻子男五獻此所謂飲食則行人所謂
上公食禮九舉侯伯七舉子男五舉此之謂食賓賜
掌客所謂凡介行人宰史皆有殮饗餼以其爵等為
牢禮之陳數曰賓賜云者以其賓之故而賜其羣下
耳此之謂賓賜殮牽則是自委積以下膳獻飲食賓
賜皆有殮牽掌客所謂上公殮五牢饗餼九牢其死
牢如殮之陳牽四牢侯伯殮四牢饗餼七牢其死牢

如飧之陳牽三牢子男飧三牢饗餼五牢其死牢如
飧之陳牽二牢此謂飧牽但致積致飧致饗餼致饗
食與夫宿賜皆有牢禮必曰飧牽者以客始至之禮
為言耳委積雖不言牢數然積視飧牽三問皆脩羣
介行人宰史皆有牢鄭氏謂君用脩臣用牢非禮以
為脫誤當矣由是言之委積亦有牢委積往來皆有
之此所以先於膳獻飲食也言飧不及饗言牢不及
死牢義亦在其中矣

王氏曰陳數則以爵等為之牢禮所陳之數

○鄭鉅曰蓋十

有二牲三十有六皆陳醢百甕皆陳所謂陳數也

凡邦之弔事掌其戒令與其幣器財用凡所共者

鄭康成曰弔事弔諸侯諸臣也幣所用賻也器所致明器也始死弔而含襚葬而賵贈其加恩則有賻焉

○賈氏曰謂王使人弔諸侯自弔諸臣須從王行者并有贈喪之具百官當共故宰夫總戒令之與幣器財用凡所共者也

大喪小喪掌小官之戒令帥執事而治之三公六卿之喪與職喪帥官有司而治之凡諸大夫之喪使其旅帥有司而治之

鄭康成曰大喪王后世子小喪夫人以下小官士其大官則冢宰掌其戒令○賈氏曰三公六卿喪尊故宰夫與春官職喪帥其於喪家有事之官有司治之大夫喪卑故宰夫不自為使在已之旅下士帥有事於喪家之有司而治之

陳及之曰鄭氏說治共辨也此不惟共辨而已古者
卿大夫之喪其禮各視其命數所謂諸侯七介遣車
十乘大夫五介遣車五乘與夫大斂小斂衣衾棺槨
明器之類悉有隆殺有功則升有罪則降王制曰大
夫廢其事終身不仕死以士禮葬之是大要也春秋
猶有此制臧哀伯死葬之加一等共仲孟穆伯則降
之范獻子葬魏舒去其柏槨趙孟自誓柏槨三寸不
設屬辟其禮必自上制之也然宰夫特案其大要其

官府專掌之者固自有職喪也

歲終則令羣吏正歲會月終則令正月要旬終則令正日成而以攷其治治不以時舉者以告而誅之

賈氏曰歲終周之歲終○鄭康成曰正定也○賈氏曰攷其治者會要成總考之也○王昭禹曰宰夫治官之考其職掌贊大宰小宰故歲會月要日成皆使羣吏正之歲會則使入于太宰月要則使入于小宰日成則宰夫受之治則案所入之計書而攷之先王

以時興事治不以時舉則違時令而失其會罪莫大
書曰先時者殺無赦不及時者殺無赦先王謹時令
其嚴如此則違時者法之所必誅也○王氏曰以告
而誅者不待三歲大計而誅之者也

正歲則以灋警戒羣吏令脩宮中之職事書其能者與
其良者而以告于上

鄭司農曰正歲之正月以法戒敕羣吏○林氏曰羣
吏在宮中者○王昭禹曰以法警戒者使之各謹於

用法也正歲小宰既以宮刑憲禁于王宮令于百官
府今宰夫又警戒羣吏脩宮中之職事蓋贊小宰而
令之也

愚案能者才藝之優長良者器質之粹美宮中官
吏與百司庶府不同凡飲膳酒漿之供幄帝次舍
之役非有能者莫勝其任故先以書其能者彼才
能雖優而器質不美有如姦邪柔佞之行便嬖側
媚之人或濫廁其間亦足以蠱惑人主之心術故

繼以書其良者

○林氏曰稽功緒則有能者糾德行則有良者

王昭禹曰書所以識之○王氏曰宮正稽其功緒糾其德行歲終則會其行事然後宰夫得以攷其會而正歲書其能者良者以詔于上○鄭康成曰上謂大宰小宰○王昭禹曰告于上將以賞之

宮正上士二人中士四人下士八人府二人史四人胥四人徒四十人

鄭康成曰正長也主宮中官之長

○李景齊曰凡官言正皆萬民之所

取正也宮止者王
宮於是而取正

掌王宮之戒令糾禁

王氏曰戒戒其怠忽糾糾其緩散令使之有為禁使
之勿為易氏曰戒而後令作其
為善糾而後禁止其為惡

王昭禹曰侍衛不嚴無以備非常左右不正無以謹
近習况王宮者百官之治事皆會于此天下之治忽
實本乎此不嚴其制何以謹近習而備非常先王擇
人以為之正又使之掌戒令糾禁焉如是則在宮中

者無非公正之士忠義之人非僻之心無自而啓姦
宄之變無自而作

以時比

毗志反

宮中之官府次舍之衆寡為之版以待夕

擊柝而比之國有故則令宿其比亦如之

鄭鍔曰先儒謂時四時也然宿衛欲嚴頃刻不可無
禁安有四時始一校比之當與時禁之時同義○鄭
康成曰比較次其人之在否官府之在宮中者若膳
夫玉府內宰內史之屬次諸吏直宿若今部署諸

廬者舍其所居寺也版其人之名籍待待戒令及比也夕莫也莫行夜以比直宿者為其有解惰離部署

○鄭司農曰拆戒守者所擊也易曰重門擊柝以待

暴客春秋傳曰魯擊柝聞於邦

○王氏曰夕擊柝而比之若今西點

故

謂禍災令宿宿衛王宮春秋傳曰忘守必危况有災

乎

○鄭康成曰故凡非常也文王世子公有出疆之政庶子以公族之無事者守於公宮正室守太廟

諸父守貴宮貴室諸子諸孫守下宮下室此謂諸侯也王之庶子職掌國子之倅國有大事則帥國子而致於太子惟所用之

令宿之事蓋亦存焉

○賈氏曰令宿其比亦如之亦

如夕擊柝已上之事

○王氏曰
若今坐甲

○王昭禹曰先王之

於宿衛其比之也以時其待之也以版固已詳矣而
又夕擊柝而比之以宿衛於王宮者宜致其嚴故也
陳及之曰胡五峯云先王之制凡官府次舍列于庫
門之外所以別內外嚴貴賤也今宮正乃比宮中之
官府次舍之衆寡又曰去其奇衰之民則是妃嬪與
官吏雜處廉陛不嚴而內外亂矣殊不知宮正所掌
者宮中徒役之民與夫典婦功典絲枲染人屨人等

官皆士人也皆有宮廬官署在內雖在宮中不應與妃嬪雜處漢郎吏舍衛士廬周匝殿內自後世而觀亦與宮嬪雜處耶稍有政事亦必有節制矣如胡氏之說則凡在外朝者悉士民可也凡在宮中者悉妃

嬪可也

○餘說見內宰

辨內外而時禁

易氏曰王宮有內外自雉門內以至燕寢則為內自雉門外以至外朝則為外○王昭禹曰王宮之官府

與夫次舍之人在內者在外者

○劉執中曰內者有版也外者有門籍也

無籍而入有版而不宿衛者辨而禁之不失其時也

○史氏曰外之入內之出

不可不辨

○王氏曰時其出入啟閉之禁

稽其功緒糾其德行

鄭康成曰稽猶攷也計也○王昭禹曰興事造業謂

之功功事有倫謂之緒功緒有多寡故稽之德行有

邪正故糾之○王氏曰稽之防其怠糾之防其邪○

鄭鍔曰治職業者或有既成之功或功未成而已有

端緒者從而稽之始見其任官之能謹操修者或有自得之德或德之成而見於所行者從而糾之始知其修身之美

幾其出入均其稍食

王氏曰幾謂微察其出入○愚案宮正所幾乃宮中之羣吏固非士庶子亦非閹人所幾於中門之禁也

王氏曰均平頒之也○鄭康成曰稍食廩祿也

○賈氏曰

言稍則稍稍與之月俸是也

○陳君舉曰此見先王廩給之意非

若今糧料院使士大夫各持券書往請所以護養士大夫廉耻多矣伊川先生初赴召居闕下日用窘迫假貸於朝臣當時諸公謂其俸給不足索糧料院文書視之則自赴召以來未嘗往請正以持狀而請非先王養賢之意也先王之時只是各頒之官長使自均給之

陳及之曰王朝之環衛宮正均其稍食王宮之內人內宰均其稍食王朝之諸臣橐人共其食

○愚案此皆庶人養

之以稍食者若士庶子則有秩矣

去

起居反

其淫怠與其奇

音寄 衰似嗟反

之民

鄭康成曰淫放濫也怠解慢也奇衰譎觚非常○王

昭禹曰奇無常也邪不正也淫怠奇衰不去則淪胥

而敗矣凡在宮中之民尚然况吏士乎

○鄭鍔曰閭人言奇服怪

民不入宮則奇衰之民是也民之行怪者或習為妖術以冒惑人苟留宮中之官府傳入宮禁而左道巫

盡之禍起

○易氏曰司隸掌帥四翟之隸使之各服其邦

之服執其邦之兵守王宮此宮中之民其四隸之民

耶

會其什伍而教之道藝

鄭康成曰五人為伍二伍為什○王氏曰會其人以
為伍會其伍以為什使之相保然後教以道藝也○
王昭禹曰道本藝末也道實藝華也教之道藝欲其
本末華實俱得也君子學道則愛人小人學道則易
使也惟愛人然後可以使之近君惟易使然後可責
以守衛故教之道藝然不先會其什伍則莫相勸督而

務學矣

總論

王氏詳說曰師氏以三德教國子所謂道也保氏教之六藝所謂藝也然則師氏保氏分道藝而教之以致其詳宮正合道藝而教之以致其要師氏帥其屬守王門保氏使其屬守王闈初未嘗會其什伍也宮正則非惟教之道藝且會其什伍矣故以宮正名官月終則會其稍食歲終則會其行事

賈氏曰稍食謂宮中官府等月祿○鄭康成曰行事
吏職也○王氏曰月終會其食為小宰受其月要故
也歲終會其行事為大宰受其歲會故也○王昭禹
曰稍食必以月會行事必以歲會而疏數不同者蓋
養之詳而責之略矣夫事君先其事而後其食人臣
之義也使人養之詳而責之略人君之仁也

凡邦之大事令于王宮之官府次舍無去守而聽政令
賈氏曰大事謂祀與戎則令于王宮之官府次舍使

之皆在次舍不得去部所守而須有所為也

春秋以木鐸脩火禁

史氏曰火星三月見於辰九月伏於戌脩火禁於宮中必待春秋順時令也○王氏詳說曰周禮有民火有公火司燿掌火之政令民火也司烜以夫遂取明火於日公火也王氏賈氏徒見司燿有季春出火季秋內火之文遂以為春秋火禁之證非也蓋宮正脩火禁於宮中而出納火者民火耳至於司烜中春脩

火禁于國中言春而不及秋以出火為主耳宮正脩于宮中也司烜脩于國中也宮中非國中之比故併及其春秋○王氏曰春秋脩火禁若今皇城四時戒火也

凡邦之事蹕

音畢

宮中廟中則執燭

王昭禹曰蹕則以嚴於禁止為事執燭則以明於照察為事皆衛至尊之道也事鄭氏謂祭事凡邦事孰非事也何謂祭事而已宮中廟中鄭氏謂祭社稷五

祀於宮中祭先王先公於廟中○史氏曰出入皆蹕
禁馳驟而肅喧譁也祭則執燭禁昏晦而防不虞也
大喪則授廬舍辨其親疏貴賤之居

鄭康成曰廬倚廬舍堊室

○賈氏曰倚廬謂於路門之外東壁倚木為廬堊室

者兩下為之與廬異也

親者貴者居倚廬疏者賤者居堊室雜

記曰大夫居廬士居堊室○史氏曰禁穀亂而別嫌
疑也

宮伯中士二人下士四人府一人史二人胥二人徒二

十人

鄭康成曰伯長也

掌王宮之士庶子凡在版者

愚案天子以天下為家守在四夷公卿大夫之子弟以天子為家守在王宮或謂王宮以士庶子守之則可若虎賁氏在國亦守王宮司隸帥四夷之隸執其邦之兵亦守王宮何也不知自中門以至路門皆宮也而王宮之衛自分內外各有其人士

庶子之守在路寢之內次舍之中虎賁翟隸不屬之宮伯此必在寢門外明矣

鄭康成曰士謂適子庶子其支庶

○王昭禹曰庶未命也士則為適也

○王氏曰非王族則功臣之世賢者之類王以自近而衛焉故君臣國家休戚一體上下親而内外察○王昭禹曰平時教之道藝以之充宮庭之衛宜也○賈氏曰凡在版者子弟皆有名籍以擬校比也

掌其政令行其秩敘作其徒役之事

史氏曰凡所施者皆政所稟者皆令○鄭鍔曰秩如常膳常酒之類所當得之常賜也敘如下士中士之類所當遷之等級也為人之子弟未有祿稍以廩之未有列位以畀之必有敘以進之謂之行者言當推而行之使無留滯壅遏也說者謂只於宮伯與里宰二官言行其秩敘何也蓋里宰之秩敘所以勸農夫之力田不行則農不勸此所以勵士庶子之衛上不

行則忠節不立○王氏曰有役焉則作其徒也

○王昭禹

曰諸子國有大事則帥國子而致於太子惟所用之則作其徒者以其太子之役故也夫其親則役於其君子弟則役於太子此休戚所以一體而無異慮歟

授八次八舍之職事

鄭康成曰衛王宮者必居四角四中於徼候便也次其宿衛所在舍其休沐之處○王氏曰授宿衛之職事也○史氏曰次舍必以八者環八方以衛宸居如宿之拱極也職事者嚴更擊柝靜蹕無譁以躬其勞也○鄭鍔曰宮正言次舍此言八次八舍何也宮正

掌官府之在宮中者則固有直廬矣此乃子弟分以授之或處四角或處四中授以所次之廬所宿之舍使各任徼候之事則與已有職異矣

若邦有大事作宮衆則令之

賈氏曰事亦謂寇戎之事也作起也○易氏曰士庶子之職有當行者有不當行者出而守禦國鄙如諸子所謂帥國子而致于太子唯所用之此在所當行而宿衛王宮若宮正所謂令于王宮之官府次舍無

去守而聽政令豈所當行者哉令之令無去守而已
月終則均秩歲終則均敘

王氏曰秩酒秩膳之類日月有焉故月終則均之勞
逸劇易宜以歲時更焉故歲終則均之

王昭禹曰會為之大計均平頒之而已宮正尊於宮
伯故主其會宮伯卑於宮正故主其均

以時頒其衣裘掌其誅賞

鄭康成曰頒讀曰班班布也衣裘若今賦冬夏衣也

○賈氏曰夏時班衣冬時班裘也○易氏曰此誅賞之法即推行宮正戒令糾禁之法者也戒而後令作其為善糾而後禁止其為惡此宮正所以列之於始為善不怠勉之以賞為惡不悛厲之以誅此宮伯所以敘之於終

李景齊曰稍食所以養之衣裘所以被之食人之食則思所以死人之事被人之衣則思所以懷人之憂先王所以厚之也者亦使之有以充其責而已掌其

誅賞者凡以懲勸之而已言誅賞而不言所告則冢
宰大臣也廢置誅賞尚以詔王則宮伯可知矣衣裳
之頒所以示其仁誅賞之行所以示其義仁以親之
義以制之先王所以治國子者固有道矣此所以用
之於宿衛則無間之可乘用之於守固則無患之弗
禦安危一心而上下以親休戚一體而內外以察

總論

薛平仲曰宮正比宮中之官府次舍之衆寡視王朝

之官府為親矣宮伯掌王宮之士庶子以授八次八舍之職事視宮中之官府為親矣

陳君舉曰凡環衛有二等其一是公卿大夫之子弟分置八隅宮伯領之其職云掌王宮之士庶子是也其一是官府凡在宮庭者徒役錯置於士庶子八次八舍之間周列環衛以固王室宮正領之其職云掌王宮之戒令糾禁比宮中之官府是也二者皆環列之衛至於人主切身侍御僕從則令掌於大僕故宮

伯宮正所掌是總於冢宰春秋猶存此意如楚潘崇
為之師掌環列之尹至漢則宮伯所掌者謂之兵衛
屬之衛尉而大僕惟掌天子輿馬及扈從至於羽林
飲飛之屬乃隸於光祿勳為天子私人官職分散矣
愚案先王陳設兵衛皆使冢宰統之名伯以西伯
為相命仲桓南宮毛俾爰齊侯呂伋呂伋大司馬
之屬亦須命而後行蓋宰臣統宿衛此最有意

鄭伯謙曰宿衛之兵有四居則有宮中之徒役公卿

大夫士庶子以為環列腹心之衛宮正宮伯所掌是也出則有虎士八百人掌先後王而趨以卒伍視朝則在路門之右若虎賁所掌是也奉輿馬督扈從視朝則在路門之左則有大僕以掌之執其兵器服其兵服以衛王門之外朝在野外則守內列則有司隸以掌之所謂使其屬帥四夷之隸是也由是言之環列腹心之衛非兵衛在內而不出虎士之衛王不出亦不行四翟則以王之出而環衛諸門侍御僕從之

役則以王之行而飭整駟從此宿衛之別也

又曰宮正宿衛之士統於大宰而虎賁之虎士八百人亦王之親兵乃不統於太宰而散諸司馬者何也曰此司馬亦聽命於大宰耳必散諸司馬者內外雖不以相統而彼此不可不相持是以兵衛掌於宮正而王之親兵與四夷之兵則掌於虎賁司隸漢以南北軍相制而國朝以皇城司殿前司相維持大抵皆周人遺意

陳及之曰王者一身以德為車以樂為御禮樂可為
干櫓忠信可為甲冑其居可以屏環衛其出可以消
外侮夫何變難之有而必如是委曲詳盡者亦為人
主之道不可如是簡率也故其居則有士庶子之環
衛諸門則有閤人夷隸之掌守其出則有虎賁八百
人條狼氏八人掌舍設棊桓設轅門若有肘腋之變
則扞衛有人是豈自削弱者哉

周禮訂義卷五

欽定四庫全書

經部

周禮訂義卷八

六至

詳校官監察御史_臣邱文愷

刑部郎中_臣許兆椿覆勘

總校官編修_臣王燕緒

校對官編修_臣王嘉曾

謄錄監生_臣李應坡

欽定四庫全書

周禮訂義卷六

宋 王與之 撰

膳夫上士二人中士四人下士八人府二人史四人胥十有二人徒百有二十人

鄭康成曰膳之言善也今時美物曰珍膳夫食官之

長也

○賈氏曰謂與下庖人內外饗享人等為長也自膳夫至膳人皆供王膳羞飲食饌具之事故

次宮室也

○王氏詳說曰膳人得人則如屠蒯非人則如

仲允此膳夫所以次於宮伯也○禮庫曰宮正宮伯

之下即以膳夫掌飲食之官繫之古人之意深矣緣
此事甚繫利害非惟是養人主氣體專是正君之心
防君之欲記曰飲食男女人之大慾存焉此既是人
慾須防閑撙節可也使飲食之共皆得其正君心安
有不正乎若下之所共必以其正人主雖欲小肆其
欲亦不可得若更無常制而供之者惟求以投其欲
好則縱欲不已如唐時貢荔枝置遞鋪至死者相屬
於道豈不大為民害若周官所供各有定制又且一

一闕涉冢宰冢宰既得其人則飲食之官安得非正人誰敢以四方珍味私投人主之欲古者格君心皆在此處

掌王之食

似音

飲膳羞以養王及后世子

鄭康成曰食飯也飲酒漿也膳牲肉也羞有滋味者

凡養之具大略有四

○賈氏曰此皆下之所載矣
仍有珍醬不言者小者略也

賈氏曰云以養王及后世子舉尊者而言其實羣臣及三夫人以下亦養之也○陳君舉曰自膳夫供膳

酒正供酒司服供服皆以后世子與王同之此三代之良法王者以天下為家豈容一家自為分異王后君之體也世子君之別也故天子曰國君后曰小君世子曰儲君秦漢以後侈心太過乃以少府自主天子之食大長秋主椒房之食家令主太子之食如是則不免有私妄用而后世子各得以自侈矣

凡王之饋食用六穀膳用六牲飲用六清羞用百有二十品珍用八物醬用百有二十饗

鄭康成曰進物於尊曰饋此饋之盛者王舉之饌也
○史氏曰饋者儲之一歲之間隨所欲食而進之非
謂一日之奉而咸備諸物也周公載之若此之富者
以饋非常御之物儲之未用之時有時而或進之

鄭司農曰六穀稌黍稷粱麥苽苽彫胡也

○賈氏曰此據食醫

○鄭康成曰六牲馬牛羊豕犬雞

○賈氏曰此據爾雅

○鄭司

農曰六清水漿醴醕醫醢

○賈氏曰此據漿人文也

○鄭康成曰

羞出於牲及禽獸以備滋味謂之庶羞

○賈氏曰公食大夫禮下

大夫有腳腫腕此出於牲者也上大夫加以雉兔鷄
駕此出於禽獸者也○王氏詳說曰國君庶羞內則
所載者三十一物自牛脩鹿脯至於楂梨薑桂是已
鄭氏謂此三十一物皆人君燕食所加庶羞也謂天
子所用百二十品作記者不能次錄
耳此所以有其數而未聞其物也

鄭康成曰珍謂淳熬淳母炮豚炮牂擣珍漬熬肝膋

○賈氏曰八珍並見內則又有糝
與銜及羞豆之實非珍故不取

醬謂醢醢也王舉

則醢人共醢六十饗以五齏七醢七道三鶩實之醢
人共齏道醢物六十饗

陳君舉曰王者君臨四海九夷八蠻畢獻方物以供

服食器用所謂食用六穀至醬用百二十甕者立其
常制無使此心之或過也不如是則墨子菲薄之說
行天子身衣弋綈而富民牆屋被文繡矣反是則肆
其嗜欲酒池肉林以困苦天下此皆禮分不明故也
王日一舉鼎十有二物皆有俎

鄭康成曰殺牲盛饌曰舉王日一舉以朝食也

○賈氏曰

一日食有三時同食一舉菜玉藻云皮弁以日視朝
遂以食日中而餽餽者餽朝之餘也則遂以食之謂朝
之食則知先朝食次乃日中而餽也 薛氏曰玉藻
云天子日食少牢朔月大牢案此鼎十有二牢鼎既

有牛羊之類陪鼎又有牛臠羊臠之類何謂日用少

牢而朔月大牢乎楚語曰天子舉以大牢則知日舉

亦大

鄭康成曰鼎十有二牢鼎九陪鼎三也

賈氏曰案聘禮致饗餼

註云飪一牢鼎十有二是也牢鼎九設於西階前牛羊豕魚腊腸胃同鼎膚鮮魚鮮腊云陪鼎三者當內兼脚臠臠並陪牛羊豕鼎後是也○王氏詳說曰脚為牛臠臠為羊臠臠為豕臠此陪鼎三也

鄭錡曰其舉也則用鼎十有二其食也取鼎之物而載於俎每鼎之物皆有俎則俎亦十二說者謂鼎俎竒籩豆耦鼎俎以盛牲體牲動物屬陽其數宜竒今

用十有二何也攷於禮家之數牛一羊二豕三魚四
腊五腸胃六膚七鮮魚八鮮腊九所謂正鼎九也又
有腳一臠二脰三所謂陪鼎三也或九或三其數皆
竒合之以為十二者示人君之尊宜法天之數也
觀衣之十二章門之十二重馬之十二閑冕之十二
旒則鼎俎之竒而以十二為言可知也

鄭康成曰物謂牢鼎之實亦九俎

○賈氏曰言實即牛羊豕之類陪鼎

三腳臠脰者庶羞在於豆唯牢鼎之物各在俎故云亦九俎也○陸氏曰俎始於禹而後世用之於吉凶

者文質於是乎異矣特牲三俎又有胙俎非正俎王日舉鼎十有二內三陪鼎非正鼎

以樂侑食

鄭康成曰侑勸也

○賈氏曰上言王日一舉此云以樂侑食即王制云天子食日舉以

樂論語曰亞飯三飯四飯鄭云皆舉食之樂彼諸侯禮尚有舉食之樂明天子日食有舉食之樂可知

薛氏曰飯必告飽而告飽必有侑禮有拜以致其敬有辭以導其動有樂以防其心凡人皆有侑食之禮也况王者之日舉乎然以論語考之每飯異樂每樂異工若大食三侑皆令奏鐘鼓此終食之侑而樂工

皆備也此則每舉之侑一工而已又無鐘鼓

膳夫授祭品嘗食王乃食

賈氏曰凡祭皆祭先造食者王將食必祭先膳夫授之○程氏曰古者飲食穀必思始耕者先王無德不報如此○王氏曰授王以所祭之物也○鄭康成曰

祭謂剝肺脊也

○賈氏曰祭肺有二種一者名為舉肺亦名離肺此為食而有二者名為

祭肺亦名為剝肺此為祭而有舉肺則離而不絕祭肺則絕之今此膳夫授祭為食而授即舉肺也

王氏詳說曰古者食必有祭明堂位云有虞氏祭首

夏后氏祭心商祭肝周祭肺此四代之所尚也月令云春祭先脾夏祭先肺季夏祭先心秋祭先肝冬祭先腎此四時之所尚也膳夫授祭本以此然曲禮云殺之序徧祭之者謂無所不祭但周人以祭肺為主鄭康成曰品者每物皆嘗之道尊者也○王氏曰品嘗者養至尊當謹故也所防者微矣

卒食以樂徹于造

賈氏曰卒終也天子食終作樂以徹器○鄭康成曰

造作也

賈氏曰謂造食之處即厨是也○王氏曰造致也致食於是然後進而御王及其卒也

徹于所致而置焉是謂徹于造 王氏詳說曰文王之為世子命膳宰曰未有原蓋防其復進也必徹于

造食之所亦防其復進耳

王昭禹曰王之食必侑以樂及其卒食又徹以樂則其所養固有道矣如是則無適而不和推而致之大足以位天地微足以育萬物豈特資一人之養哉

王齊日三舉

賈氏曰謂散齋致齋齋必變食故加牲體至三大牢

○鄭節卿曰王日一舉一大牢也朔日加食一等則二大牢也齋之日三舉則三大牢也蓋朔之聽政勞於常日於是而有加於常食祭祀將以致精明之德自強於禮而交於鬼神不可以不備其養於是而又有加於朔食所任愈重所治愈大則所養愈加厚○

氏曰當不飲酒不茹葷之時懼其食力之不足則不能勝祭事故三舉以助之非謂盛殺而供也

大喪則不舉大荒則不舉大札側八則不舉天地有哉

災音則不舉邦有大故則不舉

鄭康成曰大荒凶年大札疫癘天哉日月晦蝕地哉

崩動大故寇戎之事

○鄭司農曰大故刑殺也春秋傳曰司寇行戮君為之不舉

○李氏曰荒札哉皆不舉然則非直於外事殺禮若王膳亦為之貶也曲禮曰歲凶年穀不登君膳食不祭肺馬不食穀大夫不食梁士飲酒不樂皆自貶損憂民之道也如此天不為之順人不為之悅用度不足海內不寧未之聞也

王燕食則奉膳贊祭

賈氏曰上文王日一舉鄭以為朝食燕食謂日中及夕也○王昭禹曰非若朝舉於禮為盛故有燕聞之意如燕居燕朝同○王氏詳說曰燕食謂三飯四飯耳鄭氏以為奉朝之餘膳所祭牢肉也王氏謂餒餘不祭王之所膳有魚人辨物以共王膳掌畜又掌膳獻之鳥祭其魚鳥歟然王氏之說得矣鄭氏亦未可非也玉藻曰皮弁以日視朝遂以食日中而餒奏而非也食此謂天子之燕食也又云朝服以食特牲三俎祭

肺夕深衣祭牢肉此謂諸侯之燕食也天子言餽諸

侯言祭天子言日中諸侯言夕互文見義耳蓋穀之

序徧祭之朝食祭肺則牢食亦未及祭也豈得為餘

物乎

○思崇鄭氏為祭之餘膳者非謂王食之餘蓋一舉分為三朝食其一則日中及夕又各祭其

一矣

薛氏曰王舉則授而弗贊燕食則授而贊之者以舉

為禮之盛王當自致焉燕食則其祭不如舉之盛故

膳夫授而贊之

○方氏曲禮解曰朝食以牛羊為主燕食以魚鳥為主

凡王祭祀賓客食則徹王之胙俎

賈氏曰祭祀謂祭宗廟胙俎謂若特牲少牢主人受尸酢尸東西面設主人俎於席前王受尸酢禮亦當然賓客食謂王與賓客禮食於廟賓在戶牖之間王在阼階上各有饌皆設俎故亦有胙俎也○鄭鍔曰王當祭祀以祭之胙肉置之於俎則名曰胙俎與賓客禮食則主人飲食之俎亦曰胙俎是俎最尊不可褻膳夫親徹之不敢使其屬也

凡王之稍事設薦脯醢

賈氏曰按下經燕飲酒謂大事與臣飲酒則此云王之稍事是小事而飲酒也故空設薦脯醢若大飲與食則有牲體矣○王昭禹曰脯醢共於腊人醢人膳夫則設薦之而已

王燕飲酒則為獻主

鄭司農曰主人當獻賓則膳夫代王為主君不敵臣也燕義曰使宰夫為獻主臣莫敢與君亢禮○崔氏曰凡王

燕諸侯皆於路寢使膳夫為主人王不為主以燕禮輕故君不酌也故為獻主 ○揚氏曰說

者謂君臣之義不可以燕廢也不然禮受爵於君前則降而再拜燕所以待羣臣嘉賓也而使之有升降拜揖之勞是以犬馬畜之矣故以膳夫為獻主而王不自獻酬焉是孟子所謂養君子之道而廩人繼粟庖人繼肉之義也○陳蘊之曰龜山之說固善然崔氏蓋本注疏而有燕義為證矣二意當兼用以今世論之凡尊長之待卑幼也正席之後或命子弟為主

所以伸其歡然卑不瀆尊之意固存乎中矣

王昭禹曰王之於羣臣其禮有饗有燕饗以訓恭儉則以禮為尚燕以示慈惠則以恩為尚設於寢所以示私也服用朝所以示禮也酒行無筭所以親之也登歌鹿鳴所以樂之也間歌魚麗所以備物也王之於燕所以將其厚意者如此羣臣嘉賓胡為而不盡其心哉

掌后及世子之膳羞凡肉脩之頒賜皆掌之

鄭康成曰亦主其饌之數耳

○王氏詳說曰王之饋膳夫所進也世子之饋

膳夫特掌之而已饋而進之者內饗也內饗共王后及世子之膳羞

鄭司農曰脩脯也○賈氏曰謂王以肉及脩脯頒賜

羣臣則膳夫掌之加薑桂鍛治之曰脩無薑桂以鹽乾之曰脯散文言之則脩脯通也

凡祭祀之致福者受而膳之以摯見者亦如之

鄭康成曰致福謂諸臣祭祀進其餘肉歸胙于王○

王氏詳說曰少儀曰為人祭曰致福為己祭而致於君子曰膳具於太牢則以牛左肩九箇少牢則以羊左

肩七箇植豕則以豕左肩五箇○賈氏曰左傳祭有受脰歸脰受脰謂君祭以肉賜大夫也歸脰謂大夫祭歸肉於公也諸侯之臣有歸脰於君而王之臣亦然○薛氏曰諸臣如都宗

人凡都祭祀致福于國家宗人凡祭祀致福然後祭僕於凡祭祀致福者展而受之然則膳夫之所謂受而膳之者受之於祭僕而膳之於王也

鄭司農曰以羔雁雉為贄見者亦受以給王膳○薛氏曰司士曰掌擯士者膳其摯蓋擯見之時卿執羔大夫執雁士執雉然後司士於此而膳其摯後鄭謂

金匱要略卷之六
卷六
膳者入於王之膳人然則膳人之所受者受之司士也

歲終則會惟王及后世子之膳不會

鄭康成曰不會計多少優尊者○王氏詳說曰王天下之父后天下之母世子天下之本膳夫於王及后世子之膳不會庖人於王及后之膳禽不會而不及世子是世子之膳禽則會矣曰膳常禮也膳禽非常禮也不會者所以重其為天下之本也會者所以正

其繼天下之本也又所以杜其窮奢極侈之心也酒
正曰惟王及后之飲酒不會是世子之飲則會外府
曰惟王及后之服不會是世子之服則會會其禽則
無禽荒之失會其酒則無酒荒之失會其服則無好
潔衣服之失此所以見周公之待世子也○揚氏曰
有司不得拘制天子固矣然而九式之職冢宰任之
有司雖不會冢宰得以九式論於王矣故王后不會
非蕩然無以禁止之也制之有冢宰而非有司之法

故也

○呂氏曰太宰以九式均節財用凡羞服幣帛匪頒好用皆在馬而其屬所掌王之膳禽酒服

裘皮皆不會制其大而濶其細此所以能均節財用

庖人中士四人下士八人府二人史四人賈八人胥四人徒四十人

鄭康成曰庖之言苞也裹肉曰苞苴

○賈氏曰庖猶今之厨

宮正疏曰諸稱人者若輪人車人之類即冬官鄭云以其事名官也○鄭康成曰賈主市買知物賈

掌共

音恭

六畜

詩又反

六獸六禽辨其名物

鄭康成曰六畜六牲也始養之曰畜將用之曰牲春

秋傳曰卜日曰牲○鄭司農曰六獸麋鹿熊麋野豕

兔

○鄭康成曰獸人冬獻狼夏獻麋又內則無熊則六獸當有狼而熊不屬○王氏詳說曰左傳雖有

熊踏孟子雖有熊掌要知非禮物所用

六禽雁鶉鷄雉鳩○賈氏曰

六畜者馬牛羊豕犬雞

○又見膳夫

夏官校人羊人地官

牛人春官雞人秋官犬人冬官豕人總送六畜與庖

人六獸六禽即獸人送之庖人得此共與膳夫內外

饗故云掌共辨其名物者謂禽獸等皆有名號物色

故辨之

○劉執中曰辨其名物者物雖可食不辨其毒則能害人內則曰不食雖鼯狼去腸狗去

腎狸去正脊兔去尻狐去首豚去腦魚去乙鼯去醜又曰雛尾不盈握弗食舒雁翠鶻鴉胖舒鳧翠雞肝雁腎鵝與鹿胃皆食之而不利于人所謂常珍也若

異饌則不可以為常而嗜之必有以口腹累四方萬

里之遠者矣

凡其死生

悉然反

蕘

苦老反

之物以共王之膳與其薦羞

之物及后世子之膳羞

鄭康成曰凡計數之○鄭司農曰蠹生肉蕘乾肉

○劉

執中曰死謂不可以生致者生謂不可以死致者
者羸謂不可以薦薦者羸謂不可以鮮致者

史氏曰膳常食也羞庶品也羞出於牲非常御之物

時乎進之耳

○鄭康成曰薦亦進也備品物曰薦致滋味乃為羞王言薦者味以不喪為尊

○愚按薦羞已見宰夫

○王昭禹曰膳夫凡王之稍事設薦脯

醢則薦所共設薄矣庖人共后世子膳羞而不共薦者蓋薦則自后世子之官屬共之

共祭祀之好羞

鄭康成曰謂四時所為膳食若荊州鱖魚青州蟹胥

雖非常物進之孝也

○鄭鍔曰祭之日思其飲食思其所嗜乃孝子事死如事生之

志也昔屈到嗜芟死而其子羞芟君子皆以為非安石乃以共好羞為昭先人之好僻殊不知魯之祭非禮經之正區區求四方之物以為美故孔子正之耳非所謂先王之好者也

共喪紀之廢羞賓客之禽獻

鄭康成曰喪紀喪事之祭謂虞祔

○賈氏曰凡喪未葬以前朝夕奠大

奠皆無薦羞之法今言喪紀庶羞故知謂虞祔也

禽獻獻於賓客

○賈氏曰謂若掌客

上公乘禽日九十雙侯伯七十雙子男五十雙之類

史氏曰禽獻雖出於掌客庖人則授其法而視其出

入獻者亨而進之也

凡令禽獻以瀆授之其出入亦如之

鄭康成曰令令獸人也禽獸不可久處賓客至將獻之庖人乃令獸人取之○王氏曰掌客聘禮此禽獻之法也令禽獸則以此法授之使知其所獻之物與其數○鄭康成曰出入謂及其來致禽亦以此書校

數之至于獻賓客又以此書付使者展而行之○賈

氏曰

展者視也行去也謂將向客館之時省視禽牲然後去也庖人既以數授獸人俾依數以禽入庖人是入

也庖人得此禽則依數付使者送向館是出也

○鄭鏐曰賓客乘禽之禮當如其命之數因其舊法存焉令獸人取必以舊法授之則用各有數而無失禮之愆矣其來共也以所授之法而入之其將用也以所授之法而出之吏雖欲為姦胡可得哉

凡用禽獻春行羔豚膳膏香夏行脰

其居反

鱠

所留反

膳膏

臊

素刀反

秋行犢麋膳膏腥冬行麇羽膳膏羶

書然反

鄭康成曰用禽獻謂煎和之以獻王○史氏曰羔稚

羊豚稚豕也方春草生羔豚美故用之脍乾雉也鱠
乾魚也方夏暑盛物易腐故用之用犢麋於秋秋時
草物實犢麋食之而肥也用鱉羽於冬冬時陽氣伏
魚潛雁定而肥也飲食之滋春膳牛脂曰膏香夏膳
犬脂曰膏臊秋膳雞脂曰膏腥冬膳羊脂曰膏羶各
以其物之所便而調和之也夫膳食唯其所嗜而已
必案四時而共之者一則避其物時之孕育一則辨
其物性之所宜以是為膳則養王之形體者至矣○
程

氏曰羔豚羊豕之小者方春品物小故以小而美者為宜脰鱮雉魚之乾者方夏時餒敗故以乾者為宜犢麇至秋則物成而可嘗之時雖犢麇皆得以嘗之矣鮮羽至冬則物衆可進之時雖飛與潛者皆得以進之矣然此固足以為時之宜苟在臟有所不勝食之亦不足以為善也故又脰膏薺脰膏脰脰膏脰脰膏膾焉無非主五行之氣而以養其形也○王氏詳說曰月令所食唯時令也庖人所行順物性也春草始生則羔豚肥秋草已熟則犢麇肥草之熟則甚于生犢麇之肥則大於羔豚夏則脰鱮之性為燥冬則羸羽之性為定是順性也若夫月令則異是矣牛土畜也故季夏食之犬金畜也故秋食之鼠水畜也故冬食之然春食羊者以春之氣尚寒故食火畜也夏食雉者以夏之氣尚熱故食木畜也此秦之禮與周之禮不同

歲終則會唯王及后之膳禽不會

鄭康成曰膳禽四時所膳禽獻如世子可以會之○

王氏詳說見膳夫

內饗中士四人下士八人府二人史四人胥十人徒百
人

鄭康成曰饗割烹煎和之稱○賈氏曰饗和也熟食
曰饗內饗所主在內以其掌王及后世子之膳羞及
宗廟之祭皆事之在內者

掌王及后世子膳羞之割亨煎和之事辨體名肉物辨百品味之物

易氏曰割之而烹之以鼎煎之而和之以味左氏載晏子之言曰水火醯醢鹽梅以亨魚肉燂之以薪宰夫和之齊之以味濟其不及以洩其過君子食之以平其心是豈可輕也哉○鄭康成曰體名脊脅肩臂臠之屬肉物載燔之屬也

○林氏曰所謂左穀右載或燔或炙是也

品味

庶羞之屬言百舉成數也

王昭禹曰庖人共其物於始饗人熟其物於終所以通職聯事故饗人所掌者割烹煎和之事所用之物則共於庖人也

王舉則陳其鼎俎以牲體實之

呂氏曰陳設也○鄭康成曰取於鑊以實鼎取於鼎

以實俎

賈氏曰案少牢司馬升羊實於一鼎是曰齊案特牲云卒載加匕於鼎是其實俎曰載

○史氏曰取牲以實鼎取體以實俎

王氏詳說曰內外饗言鼎俎亨人言鼎鑊蓋初陳鼎

於鑊西故言鼎鑊後陳鼎於阼階下其俎皆陳於鼎
西南故云鼎俎

選百羞醬物珍物以俟饋共后及世子之膳羞

鄭康成曰先進食之時常選擇其中御者

○賈氏曰百羞則羞

用百有二十品是也醬則醬用百有二十
十齏是也珍物者謂八珍之類俟待也

王昭禹曰膳夫掌以膳羞養王及后世子則后世子
之羞膳亦膳夫掌之也膳夫獨言凡王之饋則后世
子之饋非膳夫所進內饗共之而已王之膳羞言饋

而后世子言共者降於王也

辨腥臊羶香之不可食者

賈氏曰按庖人注云腥雞也臊犬也羶羊也香牛也

○王昭禹曰腥臊羶香皆天產之物資氣體之養者也所稟之氣一不和則資其味者疾病乘之而至為害不少故內饗辨其可食者取之其不可食者去之凡以謹於奉至尊也

牛夜鳴則廝

音由

羊冷

音零

毛而毳羶犬赤股而躁

早到

臊

鳥鵠

芳表反

色而沙鳴

豕盲

亡亮反

眊

視二反

而交睫

音接

腥馬黑脊而般

臂

音班反

螻

音樓

鄭司農曰廝朽木臭也

○愚按左傳一薰一廝廝即臭也

○易氏曰

牛晝作夜息無故而夜鳴則反常矣其肉必廝 賈

氏曰冷毛謂毛長也毳謂毛別聚結者

○易氏曰羊以柔毛為貴

毛長而結聚則非善矣其肉必羶

赤股股裏無毛非謂肉赤而走又

躁疾如此者其肉必臊○鄭康成曰鵠失色不澤美

也沙澌也

○方氏曰沙鴨鳴之悲涼者土密而暖沙疏而涼故謂之沙

○王昭禹

曰顰色則氣鬱而不達於毛羽沙鳴則氣鬱而不達

於聲音其肉氣亦鬱而不可食矣○杜氏曰盲眦當

為望視

○王昭禹曰有目而視不明謂之盲○賈氏曰盲則無所覩見內則為遙望之字故子春從內

則也豕乃聽物不合望視此豕○鄭康成曰腥讀為

星聲之誤也肉有如米者似星○方氏曰黑脊言衆

體皆異而脊獨黑也般猶疾之有癩般在前脛故曰

般臂

○鄭康成曰般臂臂毛有文也○鄭司農曰螻蛄臭也○賈氏曰

以內則螻蛄為脫漏字於義無取故轉為螻蛄字○史

氏曰物之形色一受天地謬盭之氣則駁而不純雜而不精食之不致疾者幾希

凡宗廟之祭祀掌割亨之事凡燕飲食亦如之

賈氏曰內饗不掌外神故云宗廟之祀○陳君舉曰宗廟之割亨與王之食同掌是供王之食者此官也供宗廟之食亦此官也以見王以生道事親不以神道遠親意○賈氏曰上言掌割亨煎和之事此不言煎和者鬼神尚質不貴褻味凡燕飲食亦如之者謂

王及后世子凡燕飲食皆內饗掌割亨之事也

凡掌共

音具

羞脩刑膾

火吳反

胖

普半反

骨鱠以待共膳

鄭康成曰共當為具

賈氏曰具羞脩刑膾已下也

羞庶羞也

賈氏曰

即百二十品是也

脩鍛脯也

賈氏曰謂加薑桂鍛治之者

刑釧羹也膾腍

肉大臠所以祭者

賈氏曰膾魚肉總有膾亦詁為大

○王昭禹曰胖

牲半體也○史氏曰骨體之連骨者也鱠魚之已槁

者也

○愚案脩已見膳夫脩膾胖又見腊人

王氏曰此七物有掌之者有共之者各掌其物以待

內饗共膳也蓋內饗掌王及后世子之膳則宜選取於羣有司以博珍善故也○史氏曰凡此七物又以共庖人焉故掌共其物以待共膳也

凡王之好賜肉脩則饗人共之

王昭禹曰好賜王以好而賜之出於私恩多寡無常

惟其所與而已

○史氏曰物之有形莫不悅生而惡死及受鋒刃赴鼎鑊恐懼痛楚無以

異於人人之氣體資是以養不得已而食之祭祀喪紀賓客之燕飲常日之膳羞禮有不可缺者至於好賜之內脩亦隨其所好而予之非泛泛然無不得已古之養老者曰天子袒而割牲養賢者曰庖人繼肉

蓋以王之所好在
此而不可已耳

○王氏曰使內饗則親而私之故

也饗人則內饗之屬人也

外饗中士四人下士八人府二人史四人胥十人徒百
人

鄭康成曰外饗所主在外○賈氏曰掌外祭祀及邦
饗孤子耆老皆在外之事也

掌外祭祀之割亨共其脯脩刑臠陳其鼎俎實之牲體

魚腊凡賓客之飧饗饗食

音嗣

之事亦如之

賈氏曰外祭祀謂天地四望山川社稷五祀皆掌其
割亨共其脯脩刑臠如上所釋也陳其鼎俎謂若鼎
十有二也凡賓客之事謂所陳之數如宰夫所云者
皆外饗共之故云亦如之○史氏曰脯脩刑臠凡祭
皆用陳其鼎俎兼有魚腊之實者以羣小祀不用牲
者或用魚腊也

鄭康成曰殮客始至之禮饗既將幣之禮致禮於客

莫盛於饗

○薛氏曰集聘禮云賓至大夫帥至於館
宰夫朝服設殮是賓始至有殮禮矣殮小

禮也又曰聘日致饗是賓已至則有饗禮矣饗大禮也先鄭釋宰夫以飧為夕食非也賈以饗餼為宰禮亦非也賓至設飧何待乎夕夕禮皆宰何待乎饗○愚案飧饗已見宰夫詳見掌客

王昭禹曰饗以飲為主行人所謂饗禮九獻之類是也食以食為主行人所謂食禮九舉之類是也饗食

又王所以待賓客之厚禮也

○鄭鍔曰饗有體薦有房蒸立而成禮所以訓

恭儉食則有飯有醑酒雖設而不飲其禮以食為主掌其割亨與夫所實者皆如外祭祀之時蓋事賓如事神敬之至也

邦饗者老孤子則掌其割亨之事饗士庶子亦如之

賈氏曰耆老對孤子則耆老者死事者之父祖兼有
國老庶老孤子者謂死王事者之子○程伊川曰外
饗酒正皆言饗耆老孤子則酒食未嘗偏廢也周官
言饗不言食亦以饗未嘗無食也特以食為下爾言
老足矣必曰耆老者容養之以六十而上為率歟以
六十養於國故也○陳君舉曰饗耆老孤子掌於王
之膳人見古人君民一體不厚己以薄人

○陳及之
說見司門

氏 羅

鄭康成曰士庶子衛王宮者若今時之饗衛士矣

賈○

氏曰謂若宮伯所云者

○鄭鍔曰養老孤其事在外外饗掌之

宜矣士庶子在王宮亦以為外事何邪蓋王宮官府之吏已有命位士庶子則未有命位或因作宮衆致之太子比之外事宜矣

史氏曰死事之臣忠義之家有親有子饗之致其勸也王宮之宿衛親且近既已均其秩敘頌其衣裘茲復饗之致其愛也致其勸則外之公卿大夫期以死

而報上有國爾忘家之心非無家也知一死之後家
不至於流離也致其愛則內之士庶子期以身而徇
主有君爾忘身之心非無身也知此身之生盡出於
君上也

師役則掌共其獻賜脯肉之事凡小喪紀陳其鼎俎而
實之

賈氏曰謂出師征伐及巡守田獵○王昭禹曰此於
勞還犒師酌其長帥所以有獻賜之禮獻以飲之賜

以予之外饗則掌其脯肉之事

○史氏曰師以用衆
役以任衆憫其勞苦

錫之脯肉獻則受之賜則共之所以洽
其情而勵其節悅以使民民忘其勞

史氏曰小喪紀者一介之士以死勤事者之死喪陳

其鼎俎如是為王之臣孰不知以死為上乎

○賈氏
曰謂夫

人已下之喪則陳其
殷奠及虞祔之鼎俎

先王之世其饋餉飲食不過此

數者平居節用用不過此而能使天下之臣悉歸於
忠義功勳之域則飲食之恩不既大乎

亨人下士四人府一人史二人胥五人徒五十人

鄭康成曰主為外內饗煮肉者○鄭鍔曰鼎卦曰以木爨火亨飪也聖人亨以享上帝而大亨以養聖賢况內外饗所掌上而宗廟下而賓客有王及后世子之羞膳有耆老師役之享賜乎故使下士四人專共鼎鑊之間使沃之以水燂之以薪各得其多少之量而不至於過則亨人雖微所係豈不重哉

掌共鼎鑊以給水火之齊

才細反

鄭康成曰鑊所以煮肉及魚腊之器既熟乃膾于鼎

○易氏曰俎之所實取于鼎也鼎之所實取於鑊也
○史氏曰味以調和為主鑊所以亨煮鼎所以調味

○賈氏曰謂實水於鑊及爨之以火皆有少之齊

○王昭禹曰亨和者水火欲其相當水勝火則物有
過於生火勝水則物有過於熟亨人給之欲其適節

而已○陳及之曰水有美惡火有新舊無官府以掌其

事足以傷生害氣

職外內饗之爨

七亂反

亨煮辨膳羞之物

鄭康成曰職主也爨今之竈主於其竈煮物也

○史氏曰

內外饗之所共廣矣而亨人盡職之不
曰掌而曰職掌有所兼職則專之而已

賈氏曰膳羞則牛鼎之物也

○王昭禹曰膳用六牲羞用百有二十品則其

物不可不辨也

祭祀共大羹鉶羹賓客亦如之

鄭康成曰大羹肉湑也

○賈氏曰肉汁一名湑大羹肉湑盛於登謂太古之羹不

調以鹽菜及五味

○鄭司農曰鉶羹加鹽菜矣

○賈氏曰謂陪鼎腳臠脰牛用藿羊用苦豕用

薇調以五味盛之於鉶器即謂之鉶羹若盛之於豆即謂之庶羞

鄭鍔曰太古茹毛飲血所謂羹者血湑而已中古漸

文則加滋味於是有所餽羹之薦去古既遠人心滋喪
縱口腹之欲窮鼎俎之味聖人懼焉故使祭祀之時
薦太古之大羹貴本始也記曰大羹不和貴其質也
所以交於神明者非食味之道也反本復古而已有
大羹矣則餽羹次之有餽羹矣乃薦今世之食示不
忘其初也使亨人於祭祀共之謂其職亨飪之事不
可不知其本也賓客亦共之謂大亨之時也荀子曰
大亨先大羹貴飲食之本也使人人知本安有暴殄

金匱要略卷之六
天物者哉○易氏曰禮之初始諸飲食是以貴之然
豈特大羹而已哉醴酒之美而玄酒明水之尚黼黻
文繡之美而疏布之尚所以貴五味之本反女工之
始亦猶是也

周禮訂義卷六

欽定四庫全書

周禮訂義卷七

宋 王與之 撰

甸師下士二人府一人史二人胥三十人徒三百人

鄭康成曰郊外曰甸

○賈氏曰公邑之田任甸地即在百里遠郊外天子藉田又在

南方甸地故稱此官為甸師也甸法正在甸師○王昭禹曰甸是也

○黃氏曰王藉在

野故以甸名官有教民之義故曰師鄭氏謂其野物官之長禽獸魚鼈莫非野物而以稼穡先之重本也列於膳庖之後飲血茹毛在黍稷之先故本其所從

來也

○劉執中曰列於亨人之次祭祀以黍盛為本故也

○王氏詳說曰王之

耕藉其種則獻於六官其穀則藏於神倉甸師掌帥其屬而耕耨王藉而已然種之所獻則見於天官之內宰穀之所藏則見於地官之倉人者蓋耕藉者雖為天官之事而藉田所在夫豈能外於地官鄉遂之閒哉此廩人掌九穀之數舍人掌平宮中之政倉人掌粟入之藏春人掌共米物饌人掌凡祭祀共盛所以同屬於地官

賈氏曰徒三百人特多者天子藉田千畝藉借此三

百人耕耨故多也

○王氏曰藉田千畝而甸師徒三百人為其以薪蒸役內外饗之事

非特耕耨王藉故也

掌帥其屬而耕耨

乃豆反

王藉以時入之以共齎

音資盛

鄭康成曰其屬府史胥徒也

○賈氏曰除府史也

○史氏曰以

耒犂地謂之耕以金耘草謂之耨孟子曰深耕易耨

是也○鄭康成曰王以孟春躬耕帝藉天子三推三

公五推卿諸侯九推庶人終於千畝庶人謂徒三百

人藉之言借也王一耕之而使庶人芸茅終之也

○王

昭禹曰王必三推者身先以帥天下也以庶人耕耨之者續終以尊天子也

○王氏曰公

田謂之藉以其借民力治之也王所親耕謂之藉則亦借民力終之故也王與諸侯各有藉田故甸師所耕耨謂之王藉

賈氏曰以時入之謂麥則夏熟禾黍秋熟則十月穫之送入地官神倉也○鄭康成曰齋盛祭祀所用穀也粢稷也穀者稷為長

易氏曰在穀曰齎在器曰盛

薛氏曰齎盛共之以
春人炊之以饌人實之

以舍人奉之以大宗伯逆之以小宗伯然後立之以
表而六官之人共奉之九嬪贊玉齎者玉敦受黍稷
也大宗伯奉玉齎者奉玉與齎也庠人共接盛
施於大祭祀而已接猶曾子問接祭之接也

王昭禹曰以天子之尊而必親耕則天下之為農者
孰不勸於耕以天子所親耕者其齎盛則天下之為
子者孰不勸於養宣王不藉千畝號文公諫曰民之
大事在農上帝之粢盛於是乎出民之蕃庶於是乎
生事之供給於是乎在和協輯睦於是乎興財用蕃

殖於是乎始厚廩淳固於是乎成天子親耕藉田厚
本之道孰大於是

祭祀共蕭茅

杜氏曰蕭香蒿也○鄭康成曰詩云取蕭祭脂郊特
牲曰蕭合黍稷臭陽達於牆屋故既薦然後煇蕭合
馨香合馨香者是蕭之謂也○鄭氏曰蕭或為蒿苗

沃酒其上酒滲下去若神飲之故謂之縮縮澹
也○愚按鄭氏說茅縮酒是矣不必改蕭為蒿

王昭禹曰易曰藉用白茅是取茅以藉祭也齊桓責

楚不貢包茅曰無以縮酒是取茅以縮酒也○王氏

曰必用茅者謂其體順理直柔而潔白承祭祀之德

當如此也

○陸氏曰茅有貢於萬國者禹貢荊州之土貢春秋齊侯之責楚是也有共於甸師

者祭祀共蕭茅是也然甸師之茅或入鄉師或入司巫鄉師之所共者大祭祀司巫之所共者凡祭祀也茅之為用或以縮酒如記曰縮酌用茅司尊彛醴齊縮酌是也或以藉物士虞禮曰鉤袒取黍稷祭于苴鄉師共茅菹也至男巫謂旁招以茅則又除不祥也

易氏曰蕭合黍稷亦以祭脂茅以共菹亦沛酒醴○

王昭禹曰必俟甸師共之以其出於王藉乃所以盡

志也

共野果蔬之薦

易氏曰植生曰果桃李之屬蔓生曰蔬瓜瓞之屬○

王氏曰為其非場圃所出故稱野焉薦於王藉共之

則盡志而已

○火氏曰必於千畝取之者不唯表王者之勤亦以見無擾於四方也

陳及之曰甸師之徒三百人以耕耨王藉而又其蕭茅及果蔬安所自出哉蓋古者田疇之間無有廢地方禾黍未登疆場未當用者則以樹蕭茅及果蔬之

屬故詩曰中田有廬疆場有瓜雖帝藉亦不使荒蕪也

喪事代王受眚

生景反

哉

史氏曰人過曰眚天降曰哉國有眚哉王當祇畏以修德引咎以歸已故曰受○鄭景望曰國有大變毋乃染盛不蠲鬼神弗享歟夫何使至於斯於是時也新王在疚欲請命于神祇而身受譴罰有不可得也故使甸師代行焉非謂使甸師受眚哉於已甸師掌

耕王藉共齎盛者也故司其事

○鄭康成曰太祝作禱辭授甸人使以禱

藉田之神受
省裁弭後殃

王之同姓有臯則死刑焉

易氏曰死與刑為二等重罪則死于甸輕罪則刑于

甸文王世子曰公族有死罪則磬于甸人謂其罪之

重者入曰其刑罪則織剝亦告于甸人謂其罪之輕

者○賈氏曰必在甸師者以甸師在疆場多有屋舍

以為隱處故就而刑焉

○愚按甸師非斷獄之官但待刑殺耳

○王昭

禹曰同姓有罪不免於死者義也刑而不暴於外者
仁也非義無以公天下之法非仁無以顯同姓之恩
○黃氏曰同姓死刑于是事人事鬼無二道也詩曰
惠于宗工神罔時怨神罔時恫刑于寡妻至于兄弟
以御于家邦反道敗類近在其族教帥之不至忝其
先人寧不自愧乎死刑于是蓋自以為事鬼神之未
盡怨恫之必不能免也記曰不與國人慮兄弟兄弟
之有可慮麟趾仁厚之化安在哉知此則知冢宰設

屬大意

帥其徒以薪蒸役外內饗之事

鄭康成曰役為給役也木大曰薪小曰蒸○鄭鍔曰
耕耨之暇則率其三百之徒以採取薪蒸給內外饗
之亨爨饗人薪蒸亦出於甸則累不及民耕耨之暇
人各採薪則無游手之人矣

獸人中士四人下士八人府二人史四人胥四人徒四
十人

愚案鳥獸魚鼈咸若皆其德懋之所致自獸人以下莫不以時取之而共其膳亦所以贊天地之化育輔相萬物之自然非窮口腹之欲暴殄天物也

掌畧

音古

田獸辨其名物

鄭康成曰畧罔也以罔搏所當田之獸○賈氏曰名物者謂獸皆有名號物色也案夏官四時田獵春用火夏用車秋用羅冬用徒各有一以為主無妨四時兼有罔也○鄭鍔曰辨其名物則取其所當取而無

殺胎殀天之過隨取隨得而無禮物不備之愆

冬獻狼夏獻麋春秋獻獸物

楊謹仲曰䟽謂狼山獸山主聚故狼膏聚而溫麋澤獸澤主銷散故麋膏散而涼案月令仲冬陰極陽生而麋角解仲夏陽極陰生而鹿角解則知狼陽物其性自溫故冬獻之麋陰物其性自涼故夏獻之非必

山主聚澤主銷也豈山物皆溫而澤物皆涼耶

○鄭鏞曰

王安石謂冬物成之時狼害物之尤者夏田稼之時麋害稼之衆者各於害物之時畧而獻之明官主以

除民之害果如此說則獸人當與秋官冥氏穴氏同科不當獨列於此天官自膳夫而下皆養生之職則獸人冬夏所獻者養生之用也養至尊之禮調和其陰陽以平其心則用溫涼之膏以救其時氣之過亦其宜也又凡除物之害必須先時而為之若及害物之時則除之晚矣王政為不然安石之說陋矣春秋獻獸物不名其所獻何也蓋春物方服乳未可取者不當獻秋物已成苟可獻者無不用故不言所獻之名惟使之因時可獻者則獻矣

時田則守罟及弊田令禽注于虞中

賈氏曰時田謂四時田獵○鄭康成曰守謂備獸觸

攫也

○鄭鍔曰田獵之時使獸人守其網獸之罟以備觸攫宜矣然田而設罟不為不廣奚以能徧

守之哉蓋王者之田當防驚猛之物或驚屬車之塵則此二人之所分而守者有以護至尊而已

鄭康成曰弊仆也仆而田止○鄭司農曰謂春火弊

夏車弊秋羅弊冬徒弊○賈氏曰注謂聚也○王氏曰今田

衆以所獲禽置虞旗所植之中謂之注則衆赴而注焉若水之注也○王氏詳說曰王

之膳禽賓客之禽獻見於庖人祭祀之獻禽見於夏

官大司馬不有獸人令注于虞中則何以待此等用乎

凡祭祀喪紀賓客共其死獸生獸

鄭康成曰共其完者○賈氏曰以下文獸入于腊人是不完者故知此為完者凡此

所共者與庖人
以供王之膳
○劉執中曰四時之田所獲生獸則

困人牧之于園及其將用獸人取之于園以共焉其
死而未共者則入于腊人

凡獸入于腊人

鄭康成曰當乾之也○史氏曰一為乾豆入于腊人也
皮毛筋角入于玉府

鄭康成曰入玉府給作器用也

○王昭禹曰玉府掌王之玩好等物與貨

賄之藏則入于玉府以
供王之服器等用也

○鄭鍔曰王者不以一己之

私好廢天下之公用司皮掌裘羽人角人皆須皮毛
筋角以供邦用如使盡以入玩好之府則國家何賴
焉故穴氏冥氏或言獻其皮角齒須備或言以時獻
其珍異皮革皆不言入于玉府蓋以供邦用也若夫
獸人魚人皆取於養蕃之地而非取於山林川澤者
惟此可以供王之玩好之用聖人特於三官言入于
玉府蓋以防人君縱私好以妨國用王氏何謂除其
害則不入玉府耶

凡田獸者掌其政令

賈氏曰凡田獵取獸者所有政令獸人掌之以其知

田獵之法故也

○史氏曰其政令有所掌則其出有時不弋宿不掩羣無麋卵懼其殘生

傷性以銷蝕天地之和氣其意止欲鳥獸之害人者消是以去之而獸人因辨其良者以進非若後世列卒滿澤羅罟滿山使珍怪禽獸充拓其中以為游觀誇其禹不能名尚不能計也

獻人中士二人下士四人府二人史四人胥三十人徒

三百人

賈氏曰馬融云徒三百人者池塞苑囿取魚處多故也

掌以時獻為梁

賈氏曰取魚之法歲有五月令孟春云獺祭魚此時得取一也季春云薦鮪於寢廟者二也鼈人云秋獻龜魚三也王制云獺祭魚然後虞人入澤梁與孝經緯云陰用事木葉落獺祭魚同時是十月得取魚四也獺則春冬二時祭魚也潛詩云季冬薦魚與月令季冬漁人始魚同五也惟夏不取魯語云宣公夏濫於泗淵里革諫之以其非時○鄭司農曰梁水偃也偃水

為闕空以筍承其空詩曰敝筍在梁

○賈氏曰謂偃水兩畔中央道

水為闕孔也筍者葦薄以薄承其闕孔魚過者以薄承取之

○史氏曰魯隱矢魚

于棠臧僖伯諫之不從魯宣夏濫於泗淵里革諫之而止皆以其非時也先王設戲人之官必貴其以時者蓋有生之類皆有孕育之時不欲併傷其生也

春獻王鮪

位軌反

鄭康成曰王鮪鮪之大者

○王氏曰王言大也物之大者多謂之王

○鄭

鏐曰王鮪則鮪之尤大者非常時所有唯春乃獻周

頌之潛曰季冬薦魚春獻鮪月令於季春言薦鮪于
寢廟此獻人亦言春獻王鮪王者皆周人之事宗周
在西鮪魚非西周之水所有前輩謂鮪魚岫居出河
南鞏縣至春浮陽乃入西河至漆沮上龍門以俟變化
故周人取以獻新獻所無也觀其字從有謂不常有
辨魚物為蠡薨若老反以共王膳羞凡祭祀賓客喪紀共
其魚之蠡薨凡獻者掌其政令

鄭康成曰鮮生也薨乾也○賈氏曰共王膳羞者共

於膳夫以供王也祭祀賓客喪紀所共者共於內外
饗以膳夫不掌祭祀之事也政令者凡取魚者所有
政令漁人掌之以其知取之時節及處所也

鄭鍔曰魚之為物或用其鱸者或用其鼈者獻人當
辨之以供用事至尊則先事而預辨故言辨而後言
供祭祀賓客喪紀則臨事而始供故言共而不言辨
漁者取魚受政令於漁人稟命而行則無數罟竭澤
之害靈沼於坳圉洋常有以供禮食而無闕也

凡獻征入于玉府

賈氏曰謂近川澤之民於十月獮祭魚之時其民亦得取魚水族之類其中鬚骨之事堪飾器物者所有征税漁人主收之送入于玉府以當邦賦也○王昭禹曰文王之時澤梁無禁而周公之法則漁人有征蓋方商之季山林川澤宜弛以與民故無禁成王之時民之財用已足苟若無征則民之棄本者衆故征之所以抑末

鼈人下士四人府二人史二人徒十有六人

鄭鏗曰鼈龜蜃之類莫不有甲名官特以鼈何也蓋
龜主用以卜蜃主用以飾器皆不專主於食有甲之
美而食者之衆無如鼈詩曰炮鼈鮮魚曰鮑鼈膾鯉
莊子言搗鼈於江甘味尤美而食者甚衆獻尊者物
宜取其美則其名官宜矣○賈氏曰鼈人腊人之類
有徒無胥得徒則足不假長帥

掌取互物

鄭司農曰互物謂有甲蒟胡龜鼈之屬

○史氏曰漁人所取皆其

乘時而出者易致之物也鼈人所取凡其埋藏沉潛之物也故所用有待於互物互者交互之象若今之魚叉是也凡魚鼈龜蜃必窟宅於深淵而埋藏於淺泥有網罟所不能及者此又之所以適用也

以時籍魚鼈龜蜃凡貍物

賈氏曰言以時者即下經春獻鼈蜃秋獻龜魚○王

昭禹曰先王之於物愛之而弗仁惟其弗仁故有以取之惟其愛之故取之必以時

鄭司農曰貍物龜鼈之屬

○鄭康成曰謂鱗刀含漿之屬○賈氏曰爾雅刀魚

鯪刀也。蛛舍漿觀鄭此意。鯪刀為一物。蛛為舍漿亦一物。孫氏注爾雅刀魚與鯪別。非鄭意也。○王昭禹曰：藏伏於泥中者謂之狸物，則不止于魚。鼈龜蜃之屬而已。五物言其體，狸物言其性。○鄭鏗

曰：狸藏泥中者，宜以簕取。若魚則遊浮水中，此亦兼言簕魚者。冬寒則魚狸于泥，至春乃上水，此以簕言之。殆取魚於冬也。

春獻鼈蜃秋獻龜魚

劉中義曰：春獻鼈蜃用之春也。陽在內其美可獻而非生育之時也。秋獻龜魚用之秋也。伏藏之物浮陽

在外育生既畢可食矣

○王氏曰獻龜以秋者龜主以十全而用之故取其堅成

之時魚美於秋冬而冬為尤美不以冬獻則鬻人所獻以籍得之故先為梁之時而獻鬻尤美於夏以避其字乳之時而弗獻唯王不以飲食之養害仁政之法度如此然後率天下之民以成魚麗之功告神明矣

祭祀共廬

薄佳反

羸

即戈反

蚺

直其反

以授醢人掌凡邦之籍事

鄭司農曰廬蛤也

○杜氏曰蚌也○賈氏曰蛤蚌亦一物也

鄭康成曰羸蛻蚺也

○賈氏曰一物兩名也○史氏曰蠶也

○杜氏曰

蚺蚺子也

○賈氏曰謂蟻之子取白者以為醢也

○賈氏曰按醢人有

廬醢羸醢蚺醢故以此三者授醢人○王氏詳說曰

按宣公濫于泗淵里革諫曰澤不伐天魚禁鯤鰈鳥翼穀卵蟲舍蚺蜍古之制也說者謂蟻子可以為醢也然里革以舍蚺為仁而周公以蚺醢為禮何耶蓋宣公之夏濫非時也周公以時取何不可之有

史氏曰邦之籍事凡非網罟可取而器之有類於義可以得魚鼈者皆是也先王設鼈人之官非為口腹為先王寢廟當薦故終曰祭祀而已

腊人下士四人府二人史二人徒二十人

鄭康成曰腊之言夕也

○賈氏曰朝曝而夕乃乾也

○史氏曰凡

腊皆乾肉也田獸之獲或有多寡乾豆之物在所先

者故必以為腊焉

掌乾肉凡田獸之脯腊膾胖之事

賈氏曰凡乾肉以下並是獸人所共

○鄭康成曰大物解肆乾之謂

之乾肉若今涼州烏翅矣薄析曰脯捶之而施薑桂曰鍛修腊小物全乾

鄭司農曰膾膾肉也○鄭氏曰胖讀為判

○杜氏曰膾胖皆謂

夾脊肉又云禮家以胖為半體

○史氏曰腊有骨脯去骨膾全體胖

半體禽獸之形有大有小小而全薨大而半薨取其
易乾○王昭禹曰膾胖既掌共於內外饗腊人又掌
共之者蓋由獸人入于腊人由腊人入于內外饗也

凡祭祀共豆

音羞

脯薦脯膾凡腊物

鄭康成曰脯非豆實當為羞聲之誤也

○賈氏曰按籩人有栗脯

則脯乃籩實非豆實也籩人職云共其籩薦羞之實鄭云未飲未食曰薦已飲已食曰羞羞薦相對下既言薦脯明上當言羞脯也○史氏曰晏平仲祀其先人豚肩不掩豆則脯有時而登豆矣謂之豆脯非無所據也

賓客喪紀共其脯腊凡乾肉之事

賈氏曰所共共外內饗也○史氏曰先王之設腊人意若曰吾不因田之所獲以儲待之一有闕焉使之弋獵以求則不勝其擾將人與物俱斃吾之所享幾何而使寰區之內飛潛蠕動不聊其生哉然則儲之以待用所以廣王者好生之德

劉迎曰宰相內親附百姓外鎮撫四夷而遂萬物之宜者一動植一蟲魚皆宰相造化中物此伊尹所以

一夫不獲時予之辜丙吉之於牛喘亦止車而問皆
宰相責也斃人斃人安得不屬於大宰

周禮訂義卷七